

XXV. Rogow, jenička serbska wosada w Gubinskim wokrjesu.

(Wučah z nastawka we Łužicy 1883 str. 29 sl. podateho.)

Rogow ma 84 swójbow, mjez nimi 40 burskich, a do hromady 606 wobydleri po ludlič. 1875, z kotrychž su němscy faraŕ a wětrnikar (hišće nježenjenaj), wučerjowa, blidaŕ ze žonu a 7 dźěćimi a korčmaŕ; blidarjowe a wučerjowe dźěći rěča pak tež serbski, po tym je tam 600 resp. 593 Serbow. Tući powědaju wšitecy, stari kaž młodži, domach a wonkach serbski.

K Rogowej słuša filiala Grěšnej (Smol. Grješna n. Griessen), štož je znajmjeńša wot 200 lět přeněmčena wjes. Farskich dokhodow je 2400 hr. Rogowska cyrkej je stary kamjeńtny twar z katholskich časow, burske domy, zwjetša słomjane, maju do-
spólny staroserbski raz. Wot Budarjoweho wustawa so tu wob lěto 5—7 toleŕ na khudžinu rozdźěla, štož dopokazuje, zo tež wyšnosé Rogow hišće za serbsku wjes wobhladuje.

Rogowscy fararja běchu: 1) Ericus Jan Gärtner 1682—1700; 2) Mag. Sigismund Redlich 1700—1703; 3) Křesćan Krüger 1704—38 († 1762 jako archidiakon při Pětrowskej cyrkwi w Zhorjelcu); 4) Mag. Jan Křesćan Bětkar (Böttiger) 1738—94; 5) Karl Bjedrich Schenk z Luboraza 1794—1826, prjedy substitut pola Bětkarja; 6) Jan Jurij Krüger 1827—53, prjedy rektor při syrotowni w Khoćebuzu; 7) Božidar Bjarnat Graefe z Gubina 1854—59; 8) Hendrich Hermann Moric Bitter 1859—71; 9) Jan Hendrich Křesćan Ebeling z Lichterfelde 1871—75; Arthur Julius Ernst Lehmann z Grabina wot 1875.

Serbske Bože služby zastachu w Rogowje před 90 lětami pod far. Schenkem, dokelž so tomu njechaše wjaacy serbski předować. — Faraŕ Graefe spózna 60 lět pozdžišo, kak wosada pod tym duchownje škoduje, zo so ji nuzne serbske předowanje rubi, a započa tohodla serbski wuknuć a ze swojimi wosadnymi Bramborski serbski casnik čitać; tola lědma bě z tym započal, powołachu jeho za fararja do Nimaškhleba. Žadosé wosady po serbskej Božej službje pak spóznaješ z toho, zo 1873 jako běše faraŕ Ebeling zapućował, wosada kantora Nakońca, rodź. Serba, prošeše, zo by ji předowanje serbski čitał, štož je so tež tehdy dwójcy stało; 1872 je wučer na žadanje při pohrjebje raz kěrlušer serbski spēwał a čělny tekst serbski čitał; a po wot-